



JUDICIAL SYSTEM MONITORING PROGRAMME  
PROGRAMA MONITORIZASAUN SISTEMA JUDISIÁL

## **Komunikadu Imprensa**

17/12/2012

### **Seminariú Nasionál ba komemorasaun loron 16 kampaña atvizmu violénsia hasoru fetu ho tema: *INSESTU IHA TIMOR LESTE KRIME IDA NE'EBÉ LA HETAN REKOÑESIMENTU*".**

Iha 06 Dezembru 2012, JSMP (Judicial System Monitoring Program) servisu hamutuk ho Secretária Estadu ba Promosaun Igualdade (SEPI) sei komemora loron 16 atvizmu violénsia kontra fetu. Seminariú sei foka ba tema espesifiku konabá asuntu "*INSESTU IHA TIMOR LESTE KRIME IDA NE'EBÉ LA HETAN REKOÑESIMENTU*". Seminariú ne'e realiza iha Delta Nova, Dili Timor-Leste.

Antes ne'e, iha loron 1 Agostu 2012, JSMP lansa ona relatóriu tematiku ida ne'ebé hatudu prevelénsia fenomena insestu iha Timor-Leste.

*Semináriú ne'e importante teb-tebes atu rona autór judisiáriu nia pontu-de-vista relaciona ho prevelénsia kazu insestu iha Timor Leste no oinsa atu konsolida estratejia hodi kombate insestu no promove debate atu explora opsaun legislativa hodi asegura kondenasau ba arguidu sira, dehan Luis de Oliveira Sampaio Diretór Ezekutivu JSMP.*

Oradór sira ba semináriu ne'e kompostu husi Ministru da Justisa, Sr. Dionísio Babo Soares, PHD, Prokuradoria Jéral da República, Dra. Ana Maria Pessoa Pinto, representante Tribunál Rekursu, Dr. Duarte Tilman Soares ne'ebé nu'udar mos Juis Administrador Tribunál Distritál Dili, Diretór Jéral ba Defensória Públiku, Dr. Sergio de Jesus Hornai no representante Igreja Katolika, Pe. José Taçain, SVD.

Partisipante ba semináriu ida ne'e sei konstitui hosi representante autór judisiáriu, entidades relevantes iha setór judisiáriu, dosentes no estudante fakuldade direitu husi universidade sira, organizaun sosiedade sivíl no mídia sira.

Programa refere realiza tanbá hetan apoiu finanseiru husi Norwegian Embassy iha Jakarta-Indonézia no UN WOMEN.

Atu hetan informasaun kle'an liu tan favor kontaktu:

Luis de Oliveira Sampaio

Diretór Ezekutivu JSMP

[luis@jsmp.minihub.org](mailto:luis@jsmp.minihub.org)

Telefone: 3323883 | 77295795

[Info@jsmp.minihub.org](mailto:Info@jsmp.minihub.org)

[www.jsmp.minihub.org](http://www.jsmp.minihub.org)